

Broj: 03/05-02-1238/2013  
Sarajevo, 20.1.2017. godine

PARLAMENT FEDERACIJE  
BOSNE I HERCEGOVINE

Parlament Federacije Bosne i Hercegovine  
DOM NARODA  
SARAJEVO

Priloga: 23-01-2017			
Org. jed.	Broj	Priloga	Vrijednost
02-02	-	1598	13

10x

- Dom naroda-  
gđa Lidija Bradara, predsjedavajuća ✓

**VRLO HITNO**

**PREDMET: Izjašnjenje Vlade Federacije Bosne i Hercegovine**

Poštovana,

U skladu sa članom IV.B.3.7.c) (III) Ustava Federacije BiH, a u vezi sa odredbama člana 183. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03 i 21/09), u prilogu Vam dostavljam **Izjašnjenje Vlade Federacije Bosne i Hercegovine o amandmanima na Prijedlog zakona o osiguranju, koje je podnio Aner Žuljević, delegat u Domu naroda Parlamenta Federacije Bosne i Hercegovine**, a koje je Vlada Federacije Bosne i Hercegovine utvrdila na 87. sjednici, održanoj 19.1.2017. godine.

S poštovanjem,

**PREMIJER**

**Fadil Novalić**

Prilog: kao u tekstu

**Co: Federalno ministarstvo finansija/  
Federalno ministarstvo financija  
gđa Jelka Milićević, ministrica**

Na osnovu člana 73. Poslovnika o radu Vlade Federacije Bosne i Hercegovine - Prečišćeni tekst („Službene novine Federacije BiH“, br. 6/10, 37/10 i 62/10), a u vezi sa odredbama člana 183. Poslovnika o radu Doma naroda Parlamenta Federacije BiH („Službene novine Federacije BiH“, br. 27/03 i 21/09), nakon razmatranja amandmana na Prijedlog zakona o osiguranju, koje je podnio Aner Žuljević, delegat u Domu naroda Parlamenta Federacije Bosne i Hercegovine, Vlada Federacije Bosne i Hercegovine je, na 87 sjednici održanoj 19.1.2017. godine, utvrdila sljedeće:

### **IZJAŠNJENJE**

**o amandmanima na Prijedlog zakona o osiguranju, koje je podnio Aner Žuljević, delegat u Domu naroda Parlamenta Federacije Bosne i Hercegovine**

### **AMANDMAN I**

U članu 128. /Opća ovlaštenja Agencije za nadzor/ stav (3) mijenja se i glasi:  
„(3) Agencija za nadzor provodi postupke iz svoje nadležnosti u skladu sa propisom kojim je uređeno provođenje upravnih postupaka. Na akte koje izdaje Agencija za nadzor može se izjaviti žalba nadležnom drugostepenom organu.“

### **IZJAŠNJENJE** **Amandman se ne prihvata**

#### **Obrazloženje**

Rješenje koje je dato u Prijedlogu zakona o osiguranju je usklađeno sa najboljom međunarodnom praksom u sektoru osiguranja, a ujedno i sa Direktivom za sektor osiguranja (Direktiva 2009/138/EZ Evropskog parlamenta i Vijeća o osnivanju i obavljanju djelatnosti osiguranja i reosiguranja - Solventnost II).  
Naime u propisima zemalja u okruženju koji uređuju osiguranje, kao i članom 20. stav (9), članom 29. stav (10), članom 30. stav (6), članom 59. stav (3), članom 128. stav (3), članom 154. stav (3) i članom 157. stav (4) Prijedloga zakona o osiguranju, je jasno utvrđeno da je rješenje regulatora u osiguranju konačno i postoji mogućnost vođenja sudskog spora (Hrvatska, Srbija i Crna Gora). Također je i u Republici Srpskoj utvrđeno identično rješenje.  
I na kraju član 297. Direktive Solventnost II jasno propisuje da se društvima za osiguranje odnosno reosiguranje mora osigurati sudska zaštita.

### **AMANDMAN II**

U članu 20. stav 9. mijenja se i glasi:  
„U slučaju odbijanja zahtjeva za izdavanje odobrenja za rad, Agencija za nadzor dostavit će podnosiocima zahtjeva u pismenom obliku rješenje s obrazloženjem odbijanja zahtjeva. Na rješenje Agencije za nadzor o odbijanju zahtjeva za izdavanje odobrenja za rad može se izjaviti žalba nadležnom drugostepenom organu.“

### **IZJAŠNJENJE** **Amandman se ne prihvata**

### **Obrazloženje**

Isto kao za Amandman I.

### **AMANDMAN III**

U članu 59. stav 3. mijenja se i glasi:

„Na rješenje iz st. (1) i (2) ovog člana društvo može izjaviti žalbu nadležnom drugostepenom organu.“

### **IZJAŠNJENJE**

#### **Amandman se ne prihvata**

### **Obrazloženje**

Isto kao za Amandman I.

### **AMANDMAN IV**

U članu 154. stav 3. mijenja se i glasi:

„Na rješenje Agencije za nadzor može se izjaviti žalba nadležnom drugostepenom organu.“

### **IZJAŠNJENJE**

#### **Amandman se ne prihvata**

### **Obrazloženje**

Isto kao za Amandman I.

### **AMANDMAN V**

U članu 157. stav 4. mijenja se i glasi:

„Na rješenje iz stava (1) može se izjaviti žalba nadležnom drugostepenom organu.“

### **IZJAŠNJENJE**

#### **Amandman se ne prihvata**

### **Obrazloženje**

Isto kao za Amandman I.

V. broj: 60 /2017  
19.1.2017. godine  
Sarajevo

